

**ORDENANTZA FISKALA, INGURUMENA BABESTEARI ETA JARDUERA KALTEGABEEI DAGOKIENEZ  
BAIMENAK EMAN ETA ADMINISTRAZIOKO KONTROL-JARDUERAK EGITEAGATIK ORDAINDU BEHARREKO  
TASAK ARAUTZEN DITUENA**

**11. ordenantza**

Oinarria

1. artikulua.- Ordainarazpen hau Nafarroako Toki Ogasunei buruzko martxoaren 10eko 2/1995 Legearen Lehen Tituluko IV. Kapituluko 7. Atalean xedatutakoari jarraikiz eta haren 12. artikuluan emandako baimenaren babesean ezarri da.

Zergapeko egitatea

2. artikulua.- Zergapeko egitatea zenbait zerbitzu tekniko eta administratibo ematea da, Ingurumena Babesteko Esku-hartzeari buruzko martxoaren 22ko 4/2005 Foru Legearen arabera jarduera sailkatuetarako udal-lizentzia behar duten instalazio eta jarduerak ezarri, ustiatu, lekualdatu, funtsean aldatu, berriro ireki eta abiarazteari lotutakoak, bai eta udal-lizentziari dagozkionak ere –jarduera kaltegabeen kasuan– eta kontrol jarduera administratiboak egiteari buruzkoak –aurretiatzko komunikazioa edo erantzukizuneko aitortpena aurkezteak lizentziaren beharra ordezkatzeko duen kasuetan–, eta zehazkiago honako hauetan:

- a) Jarduera-lizentzia
- b) Irekitzeko lizentzia
- c) Irekitzeko lizentziaren aldaketa
- d) Instalazio eta lokalak berriro irekitzeko baimena

e) Jarduera abiarazi edo establezimendua ireki eta geroko kontrola, aurretiatzko komunikazioa edo erantzukizuneko aitortpena aurkezteak lizentziaren beharra ordezkatzeko duen kasuetan.

Zerga ordaintzeko betebeharra

3. artikulua.- Tasa lizentzia eskatzean edo aurretiatzko komunikazioa edo erantzukizuneko aitortpena aurkeztean sortuko da. Interesdunak lizentzia emateko udal-erabakia hartu baino lehen eskariari uko egiten badio, ez du hura ordaindu beharko. Halaber, ez da ordaindu beharko, baldin eta jarduera bat abiarazteari uko egin zaiola jakinarazten bada jardueraren geroko kontrol-jarduketari amaiera ematen dion udal-ebazpena eman baino lehen.

Subjektu pasiboa

4. artikulua.- Ordenantza honetan ezarritako tasak pertsona fisiko eta juridikoek eta nortasun juridikorik izan gabe batasun ekonomikoa edo ondare banandua osatzen duten entitateek ordaindu behar dituzte, baldin eta beren izenean lizentzia eman, aldatu edo berraztertu bada edo aurretiatzko komunikazioa edo erantzukizuneko aitortpena aurkeztu.

Tarifak

5. artikulua.- Aplikatuko diren tarifak Ordenantza honen Eranskinean jaso dira.

Kudeaketa-arauak

6. artikulua.- Jarduera bat baimentzeko edo abiarazteko interesa duten pertsonen behar den lizentzia-eskaera, aurretiatzko komunikazioa edo erantzukizuneko aitortpena aurkeztuko diote Udalari, lokalean egin beharreko jarduera edo jarduerak eta haren kokapena zehaztuko dituztelarik, dagozkien udal-ordenantzetan eskatutako agiriekin batera.

7. artikulua.- 1) Ordenantza honetan ezarritako tasak autolikidazio-araubidearen pean galdatuko dira lizentziaren beharra aurretiatzko komunikazioaren edo erantzukizuneko aitortpenaren aurkezpenak ordezkatzeko duen kasuetan. Gainerako kasuetan, tributu-administrazioak dagokien behin-behineko likidazioa egiten du.

2) Autolikidazio-araubidea aplikagarria den kasuetan, subjektu pasiboek derrigorrezko izan behar duten autolikidazioa egitea kasuan kasuko tasak direla medio, Udal Administrazioak emanen dien inprimakietan. Betebehar hori ez betetzea tributuei dagokien arau-hauste zehagarria da, Kudeaketarako, Diru-bilketarako eta Ikuskapenerako Ordenantza Fiskalaren IV. Kapituluan xedatutakoarekin bat.

3) Jarduera bat abiarazi edo establezimendua ireki ondorengo kontrolak eragindako tasen kasuan –lizentziaren beharra aldeztu aurreko jakinarazpenaren edo erantzukizuneko aitortpenaren aurkezpenak ordezkatzeko duen kasuetan–, aldeztu aurreko jakinarazpenarekin edo erantzukizuneko aitortpenarekin batera autolikidazio-agiria –behar bezala betetik– eta ordainagiria aurkeztu behar dira.

8. artikulua.- 1) Udal Administrazioak egiaztatuko du autolikidazioak Ordenantza honetako arauak zuzen aplikaturik egin direla, eta, horrenbestez, kalkulaturako tarifa horietatik emaitza direla.

2) Baldin eta Udal Administrazioa autolikidazioekin ados ez badago, likidazioak egiten ditu gaizki aplikaturako kontzeptuak edo datuak eta errakuntza aritmetikoak zuzenduta, berandutze-interesak kalkulaturako ditu eta, behar

izatera, behar diren zehapenak ezarriko. Halaber, subjektu pasiboak deklaratu gabe utzitako zergapeko egitateen gaineko likidazioa ere egingen du.

9. artikulua.- Lizentzia iraungiz gero, interesdunek, jarduerari eutsi nahi izatera, lizentzia berria eskatu beharko dute, eta dagokien tasa ordaindu.

#### Arau-haustekak

10. artikulua.- Arau-hausteei eta zehapenei dagokienez, Kudeaketarako, Diru-bilketarako eta Ikuskapenerako Ordenantza Fiskalean ezarritakoari egingen zaio men.

### TARIFA-ERANSKINA

<b>I. EPIGRAFEA.- JARDUERA-LIZENTZIA, JARDUERA-LIZENTZIAREN FUNTSEZKO ALDAKETA ETA BERRAZTERKETA.</b>	
- 50 m <sup>2</sup> bitarteko establezimenduak edo instalazioak	1.146,00 euro
- 50 m <sup>2</sup> -tik gorakoak 100 m <sup>2</sup> -ra bitarte	1.293,00 euro
- 100 m <sup>2</sup> -tik gorakoak 250 m <sup>2</sup> -ra bitarte	1.439,00 euro
- 250 m <sup>2</sup> -tik gorakoak 500 m <sup>2</sup> -ra bitarte	1.658,00 euro
- 500 m <sup>2</sup> -tik gorakoak 1.000 m <sup>2</sup> -ra bitarte	1.982,00 euro
- 1.000 m <sup>2</sup> -tik gorakoak	2.399,00 euro

  

<b>II. EPIGRAFEA.- IREKITZEKO LIZENTZIA, IREKITZEKO LIZENTZIAREN ALDAKETA ETA ESTABLEZIMENDUA IREKI ONDOKO KONTROLA, LIZENTZIAREN BEHARRA ALDEZ AURREKO JAKINARAZPENAREN EDO ERANTZUKIZUNEN AITORPENAREN AURKEZPENAK ORDEZKATZEN DUEN KASUETAN</b>	
Jarduera sailkatuen irekiera:	
- 50 m <sup>2</sup> bitarteko establezimenduak edo instalazioak	625,00 euro
- 50 m <sup>2</sup> -tik gorakoak 100 m <sup>2</sup> -ra bitarte	698,00 euro
- 100 m <sup>2</sup> -tik gorakoak 250 m <sup>2</sup> -ra bitarte	776,00 euro
- 250 m <sup>2</sup> -tik gorakoak 500 m <sup>2</sup> -ra bitarte	897,00 euro
- 500 m <sup>2</sup> -tik gorakoak 1.000 m <sup>2</sup> -ra bitarte	1.073,00 euro
- 1.000 m <sup>2</sup> -tik gorakoak	1.288,00 euro
Jarduera kaltegabeen irekiera:	589,00 euro

  

<b>III. epigrafea.- GEROKO KONTROLA, ETXEBIZITZA BATEAN JARDUERA ABIARAZTEARI BURUZKO ERANTZUKIZUNEN AITORPENAREN GAINEAN.</b>	
Jarduketa bakoitzeko	6,75 euro

  

<b>IV. EPIGRAFEA.- INSTALAZIO ETA LOKALAK BERRIRO IREKITZEKO BAIMENA, HAIEK EGIAZTATU BEHAR BADIRA EGINDAKO OBRAK MUNTADUNAK DIRELAKO.</b>	
- Jarduera sailkatuen egoitza diren lokaletarako	665,00 euro
- Jarduera kaltegabeen egoitza diren lokaletarako	665,00 euro.

  

<b>V. EPIGRAFEA.- KAFETEGI-TABERNARAKO LIZENTZIA BERRIRO DEFINITzea.</b>	
- Jardueraren izena eta funtzionatzeko araubidea taberna berezi edo ikuskizunetarako kafetegi gisara jarduteko egokitze aldera berriro definitu beharreko lizentzia bakoitzeko	589,00 euro